



Taulogologo

UA TOETU KERISO!

Aperila 2021

O le asō e pepese, olioli, alalaga ma faifai pea e le Ekalesia e fa'apea: "UA TOETŪ IESU!" Ae aiseā lenei mea? O Peteru, Ioane, ma fafine na o atu i le tu'u gamau ae ua leai se isi. Ua leai o ia. Na latou o atu ma o latou loto ua fa'anoanoa, le fa'anoanoa o le to'ilalo: Le A'o'a'o, lo latou A'o'a'o, le Tasi na latou alolofa tele i ai, na fasiotia o ia; ua maliu o ia. Ma e leai sē toe fo'i mai le oti. O le to'ilalo le mea nei. O le auala lenei o le to'ilalo, le auala aga'i atu i le tu'u gamau. Ae na fai atu le Agelu iā i latou, E lē o i'nei o ia, auā ua toetū o ia.

O le fa'aaliga muamua lenei: "Ua Toetū mai o ia." Ona soso'o mai ai lea ma le lē mautonu, le pogisā o loto, ma fa'aaliga. Ae na nonofo pea lava le au so'o i le Potu i Luga ua loka i le aso atoa ona ua fefefe ona o le mea na tupu iā lesu e tupu fo'i iā i latou. E le muta ona fa'apea mai le Ekalesia ae le'i avae'eseina atu nisi, o e pele ma le loto vaivai: "Fa'auta, ua Toetu le Ali'i." Ae afai ua toetū, aiseā ua tutupu ai nei mea? Aiseā ua tele ai nei tulaga faigatā: fa'ama'i, fa'apologaina o tagata, o tagata ua fa'atau atu, o taua, fa'aleagaina, fa'asauaina, taui ma sui, itagia? O fea la o i ai le Ali'i?...

Sa i ai se faife'au na asiiasi atu i se ali'i e atamai ae na maua i se ma'i mata'utia tele. A o faia se talanoaga ma ina ia avatu se fa'ailogia ole fa'atuatua, sa fai atu le faife'au: "E leai se fa'amatalaga e uiga i mea o lo'o tupu ia te oe. Va'ai iā lesu i luga o le koluse. Na faia e le Atua i lona Alo, ma e leai se fa'amatalaga." Ma na tali mai lenei ali'i e fa'apea: loe, ae na ia fai atu i lona Alo ma na ioe mai lona Alo. E le'i fai mai se isi iā te a'u pe ou te mana'o i lenei mea. Ua fa'agaoioi ai tatou i lenei manatu. E leai ma se isi o tatou na fesiligia: o e fiafia 'ea i mea o lo'o tutupu i lenei lalolagi? Pe e te fiafia ea mo lana koluse e aga'i i luma?" Ma o le koluse e alu atu ma o le fa'atuatua iā lesu ua sau ai i lalo. O le asō ua fa'aauau ai e le Ekalesia ona fai mai: Fa'atali. "Ua Toetū lesu." Ma e le o se moemiti le mea nei. O le Toetū o Keriso e le o se patipatia ma le tele o ni teu fugala'au. E matagofie, ae e lē o le nā. O se mea e sili atu. O le misitelio o le ma'a na lafoa'ia ua avea ma fa'avae o tatou olaga. Ua Toetū Keriso. O lona uiga atoa lenā.

I nei tu masani ua tatou i ai, o mea e le toe mana'omia ua na o na fa'aoga ma tia'i, o mea e le toe mana'omia ua lafoa'i, lenā ma'a – o lesu le punavai o le ola – ua lafoa'ia. Ma fa'atasi ai ma le fa'atuatua i le Keriso Toetū, o tatou fo'i, o iliili i luga o lenei 'ele'ele o tīgā, fa'alavelave, mauaina le uiga i le lotolotoi o le tele o mala. O le manatu e va'ai i tua atu, le manatu e fai atu ai: "Va'ai, e leai se pāpuipui; o lo'o i ai le tafa'ilagi, o lo'o i ai le ola, o lo'o i ai le fiafia, o lo'o i ai le koluse fa'atasi ai ma lenei lē mautonu. Va'ai i luma, 'aua le taofiofia 'oe lava. 'Oe le iliili, ia maua le uiga o le olaga ona o 'oe o le iliili i autafa o le papa ma'a, o lenā ma'a na lafoa'ia e le tiapolo o le agasala." O le a se mea ua fa'amatala mai e le Ekalesia iā i tatou i nei aso ae le'i tutupu ni fa'alavelave? Ua pau lea: o le ma'a na lafoa'ia e le'i lafoa'ia. O iliili na talitonu ma pipi'i i lenā ma'a ua le lafoa'ia. E i ai o latou uiga ma e fa'atasi ai ma lenei lagona ua toe fai mai le Ekalesia mai le ta'ele o lona loto: "Ua Toetū Keriso."

Se'i o tatou manatunatu mo sina taimi, o tatou ta'ito'atasi, mafaufau i o tatou fa'afitauli i aso ta'itasi, o fa'ama'i sa tatou maua ai po'o se ma'i sa feagai ma se tasi o tatou aiga; se'i o tatou mafaufau i le vevesi o taua, o fa'aletonu ua feagai ma tagata, ma i sona faigofie, fa'atasi ai ma le leo mālū, e aunoa ma ni teufugala'au, ua na'o tatou, i luma o le Atua, i luma o tatou, ia tatou fa'apea a'e, :Ou te leiloa pe fa'apefea lenei, ae ou te mautinoa ua Toetū mai Keriso ma ua ou mautinoa lelei i ai." Uso ma tuafafine, o le mea lea e ao ona tatou talatalanoa i ai. O a feoa'iga o lenei aso, ia tatou fa'amanatu pea i o tatou loto: "Ua Toetū Keriso."



AFIOGA KATINALE JOHN DEW

Kia tau te Rangimarie kia koutou

O le aso 15 O Mati na tuanai atu , na amatalia ai le Vaega 2 a le Komisi Su'esu'e i le Sauāina o latou sa i lalo o le va'aiga ma le tausiga. O le vaega lenei o le Su'esu'eina sa fa'alogologo ai i molimau mai le Salvation Army, Ekalesia Egelani ma le Eklesia Katoliko, ma sa mata'itū lava i le fa'agasologa o se vaifofō mo sauaga ma fa'aletonu mai tausaga ua mavae.

O molimau mai suli o le Eklesia Katoliko na amata i le aso 22 Mati, i se fa'amatalaga amata mai lana Afioga Katinale John Dew, ona soso'o ai lea ma se molimau ia Rev. Dr. Thomas Doyle, Loia Kanone (USA). O Br. Peter Horide (Felela Malisi), Patele Tim Duckworth (Sosaiete Malisi) ma Virginia Noonan na tu'uina atu a latou molimau i le aso 23 ma le 24 Mati. Na fa'ai'u i le aso 25 Mati, ma ona o le Pule'aga Fa'aakiepikopo a Niu Sila, na avea ai a'u ma sui e faia sa ou talanoa ai i ni auala ua fuafuaina e le Pule'aga e toe fa'atonutonu ai nei fa'aletonu, fuafuaga a le Eklesia Katoliko i le toe fa'aleleia, ma le atina'e o toe fa'aleleia

mai le Vatikano. O nei Su'esu'ega na faia i le laua'itele – Iona uiga sa mafai e tagata ona 'au ai ma fa'alogologo ai.

E talosagaina ai a outou tatalo i nei vaitau faigatā; e le gata mo latou sa faia ni molimau, ae fa'apea i latou na a'afia i nei sauaga fa'apea tagata Katoliko uma. Ia manatua tagata ta'ito'atasi ma latou o lo'o puapuagatia. E pei ona fai mai Pope Faranisisi, "E 'ese le matagofie pe a filifili lelei tagata iā latou upu ma gaioiga ma le fa'aeteete, i taumafaiga ina ia 'aua ne'i i ai se masalosaloga, ia fa'alelei manu'aga o manatu i mea na tutupu ma atia'e le filemū ma le nofo lelei." Ia momoli atu e o tatou upu ma amioga o tatou manatu ma le alofa i isi.



Naku noa

+ Ioane.

2

Tatou Tatalo:

Le Atua mamana e ma le Tamā, e te alofa i ou tagata uma ma na e auina mai lou Alo e fa'aleleia i latou ua fa'amanu'aina. I le ogatotonu o la matou lalolagi, ua vala'auina ia lau Eklesia ina ia folafola lou alofa ma lou agalelei. Ae ua to'atele le fanau, au talavou ma tagata matutua na avea ma a'afiaga i ni soligatulafono i lou Eklesia. Ua to'atele latou ua leai se leo ma ua le mafai ona vala'au mo se fesoasoani. O nisi ua fa'ailoa, ae sa leai se isi na talitonu iā i latou, po'o ua tua'ia i latou ua talapepelo ma leai ai so latou leo. O le mea lenei ua matou talosaga atu ai iā te oe, le Tamā o le au matitiva ma le uō o le olaga.

Ia tatala o matou taliga i le fe'au a latou na fa'asauaina ma ua mafatia i totonu o lau Eklesia. Pa'i mai i o matou loto fa'atasi ma tīgā na fa'asauaina ma fa'aleagaina. Ia matou maitauina manu'aga a tagata ma fa'ailoa mai iā i matou le auala e faia ina ia aua ne'i ufiufia le moni ma le faimea tonu i ē ua fa'amanu'aina. Aua ne'i avea o matou fa'aletonu e ave'esea ai le fa'atuatua mai isi tagata iā te oe ma lau tala lelei.

O UPU MULIMULI E FITU A IESU

"Ua ou fia inu" (Ioane 19: 28)

Mai le la'au o le koluse na fa'apa'iaina e lona toto, o le Alo lava ole Atua ua fa'aali mai le mafua'aga o lona avea ma tagata. O lesu, pei se tasi o tatou i mea uma lava vaganā ai le agasala, ua fia inu mo agaga o latou na sau e lavea'i. O lona uiga, o tagata uma i le lalolagi, amata mai iā Atamu. Na mana'o lesu e alofagia i tatou, ma na mana'o fo'i tatou te fa'afō'i atu lenā alofa mo ia. Na fia inu. O le fia inu na lagonaina e lesu i lona maliu na ia tauaveina pea i augatupulaga. O lenei upu mulimuli a lesu ua maua ai se upu mo Kerisiano uma. E leai se isi e tatau ona amatalia lona aso e aunoa ma le manatua ina e so'o tagata na fia inu lesu mo lona agaga. "Ua tatou alolofa iā te ia, auā na ia mua'i alofa mai iā te i tatou" (1 Ioane 4: 19). O le fa'amuamua o le taulamua mamana ua tauaveina le va'aiga fa'aletagata i upu a se ali'i fia inu ua talioti.

"Lo'u Tamā e, ia e fa'amagaloina atu iā te i latou; auā ua latou lē iloa le mea ua latou fia" (Luka 23: 34)

Ua na o le Atua e mafai ona fa'amagaloina agasala. Ua tatou fa'alogo i le ulua'i tatalo Kerisiano o le fa'amagaloga mai laugutu o le Fa'aola fa'akoluseina o le lalolagi. O lenei upu na fausiaina ai se fa'amoemoega. O lenei, o tagata uma lava ua vala'auina ina ia fa'ataunu'u le fa'atonuga a lesu: "A ou te fai atu iā te outou o ē fa'alogo mai, 'la alofa atu i ē o fai outou mo latou fili; ia agalelei atu i ē ita mai iā te outou..." (Luka 6: 27). Na o le pau le isi vaega 'ese mai le fa'amagaloga o le fa'aleagaina: le i'uga o 'oe lava ma isi. O mea uma e tutupu i aso ta'itasi i le lalolagi atoa o lo'o tau'ave se mau e tutusa i mea na tutupu pe a lē fa'amagalo atu le tasi i le uso. O le fa'amagalo atu i fa'aletonu uma o se uiga lea a se tagata pa'ia. E mafai ona tatou fia se la'asaga muamua aga'i i lenei pa'iaga i le alofa i le Tamā i le lagi, o lē faia le oso a'e o le la ile leaga ma le lelei, o lē e mafua ai ona pa'ū mai le timu i le amiontonu ma lē e lē amiontonu.

"E moni, ou te fai atu iā te oe, o le asō tā te fa'atasi ai ma oe i parataiso" (Luka 23: 43).

O le "asō" o lo'o tautala atu ai lesu i le pagotā ua salamō, ua tatou iloaina o le gaoi Lelei, e totino i augatupulaga uma. So'o se taimi lava e liliu atu ai se isi iā lesu, ma fai atu ma le alofa, "Le Ali'i e, ia e manatua mai a'u" (Luka 23: 42), o lenā tagata ua amatalia se "aso" fou. Na fa'anaunau tele lesu ia tatou fa'atasi atu ma ia i Parataiso na ia avatu ai i ana ositaulaga se 'au'aunaga o le fa'amagaloga. O le Sakalameta o le Togisala ma le Fa'aleleiga ua maua ai se faiga uiga'ese o le "aso". O le Katoliko ua vavae'eseina e le agasala mai le komunio ma le Atua ma le Ekalesia ua fa'aleleia i le vafeagai ai ma latou o lo'o fa'atalitali ma le fa'amoemoe ma le mafanafana i le taui i Parataiso. E leai

se na iloaina le agasala na faia e le Gaoi Lelei. E leai fo'i se isi e popole i ai. O le mea e pito sili ona tāua i le olaga, ia tatou mauaina la tatou "aso" o le fa'amagaloga mamana.

"Lo'u Tamā e, ou te tu'uina atu lo'u nei agaga i ou 'a'ao" (Luka 23: 46).

O le mafutaga ma le Tasitolu Pa'ia o le taunu'uga o mea- la uma na foaoaina i le fa'atusa mamana ua vala'auina. O latou uma o i le lalolagi ua talia, fa'atasi i le fa'atuatua ma le papatisoga, le Evagelia a Keriso talia lana upu o se tatalo e faia e latou lava. O tulaga ta'itasi o le olaga e mana'omia mai se vaega ole tagata ola se gaioiga o le gaua'i i le finagalo o le Atua. O lenei tu'uina atu fa'aletagata ua na o le fa'apa'iaina pe fa'atasi atu i le tagi a le Alo o le Atua. O le Fa'aola o le tagata ua fa'asinoina i tatou i le taunu'uga moni. O latou ua fa'amālō i latou lava i le Atua i le tu'u fa'atasia ma lesu ma fa'asoia i lana gaioiga o le alofa ma le usita'i. Ona latou malamalama ai lea ile misitelio: E moni, ou te fai atu iā te outou, a lē liua outou ma avea ia pei o tamaiti, tou te lē sao lava i le mālō o le lagi" (Mataio 18: 3).

"Lo'u Atua e, lo'u Atua e, se a le mea ua e tu'ulafoa'i mai a'u?" (Mareko 15: 34).

"Ua avea i tatou ma fa'asoia i le mamana o Keriso ua fa'amaulaloina o ia lava ina ia fa'asoia i o tatou tagata" (CCC 526). O puapuagatia tele na o fa'atasi ma le taliaina e lesu o le finagalo fa'aola a le Tamā i le lagi. O nei puapuagatia ua a'afia ai le tagi a le tagata ua tu'ulafoa'ia ua fa'ati- no mai le taliaina e lesu o lona maliu o se fa'aolataga. "Lo'u Tamā e, a lē mafai ona ave'ese o lenei ipu iā te a'u se'ia ou inu ai, ia faia lou finagalo" (Mataio 26: 42). O le tagi o le tia'iaina mai le koluse ua fa'amatala ai se lagona fa'aletagata na lagonaina e lesu ae lē o se talitonuga maumaututū ua ia 'u'uina. E pei o mea uma na faia pe tautala ai le Alo o le Atua, sa ia fai maia upu nei o le tia'iina ona o tatou. Na mana'o lesu mo tatou ina ia talitonu po'o a lava ni lagona pogisā ua uftia ai o tatou loto ma mafaufau, "e lē mafai e ia mea ona fa'ate'a'eseina mai i tatou i le alofa o le Atua" (Roma 8: 39).

"Ua taunu'u." (Ioane 19: 30).

O le a le mea ua taunu'u? Ua fa'ailoa mai e lesu o le faiga- taulaga e tasi mo agasala uma ua taunu'u. O lenei faiga- taulaga o le fa'amagaloga ma le fa'aleleiga o se mealofa. E sau mai le Tamā, o lē ua alofa tele i le lalolagi na ia auina mai ai lona Alo Pele e To'atasi, ma le Alo o le Atua, ua alofa tele mo i tatou ua ofoina mai lona ola e toe fa'aleleia ai ona o la tatou lē usita'i. O lenei upu mulimuli na tautala ai lesu na ufiufi mai ai le usita'i ma le alofa sa ia fa'atinoina i lona olaga atoa. O le oti na fa'ailoga ai le taimi mulimuli o

O UPU MULIMULI E FITU A IESU

le usita'i a lesu. Ole oti, e ui i lea, e lē uma ai lona alofa. O le Fa'aola toetū ma le fa'aeaina ua fa'aauau pea lona alofa mo i tatou: "Auā ua oti outou, ua lilo fo'i lo outou ola fa'atasi ma Keriso i le Atua. Pe a fa'aali mai Keriso lo tatou ola, ona iloa ai lea o outou fa'atasi ma ia i le mamalu"

(Kolose 3: 3 – 4).

"Sena e, fa'auta, o lau tama....Fa'auta, o lou tinā" (Ioane 19: 26, 27).

"Ou te lē tu'ua outou o mātuaoti, ou te sau iā te outou" (Ioane 14: 18). Mai le koluse, na fa'ataunu'uina e lesu folafolaga sa ia faia i le Tausama'aga Mulimuli i ona so'o. Sa ia tu'uina atu lona Tinā o Maria i le tausiga a lona so'o pele. Na avatu e Sagato Ioane i lona aiga. O lenei upu na tautala ai lesu mai luga ole koluse ua fa'ailoa mai ai le 'au ai uiga'ese a Maria i le galuega lavea'i a lona Alo. Ina ua talia e Maria Ioane, ua ia fa'amaopo atu fo'i tatou

ta'ito'atasi. Ua avea ai i tatou i le fa'asologa o le kalasia o ana fanau e alofagia. O le faufautua fa'atinā a Maria ua o fa'atasi ma le Ekalesia. E leai se kalasia e pa'i atu i se isi i lenei lalolagi nei e aunoa ma le alofa tunoa a Maria mo uso ma tuafafine a lona Alo. O le mafua'aga lenei ua fa'amalosi'au mai ai le au pa'ia iā i tatou e o atu iā lesu e ala atu iā Maria.

"Tatalo Fa'ai'u"

Ad Jesum per Mariam. Ia lesu e ala atu iā Maria. Ina ia malamalamala lelei i le moni e mamana na tautala mai ai lesu iā i tatou mai le koluse, fa'atasi atu i le Tina Taupou o le Atua, Maria Imakulata. Ia tatala e Maria o outou loto ina ia lagona po'o le a lava le mea ua fai mai ai lesu iā te 'oe e faia. E pei ona fa'atonuina e Maria i tatou, "O se mea lava e fai mai ai o ia iā te outou, ia outou faia" (Ioane 2: 5).

SAGATO ASALEMO

(EPIKOPO MA LE FOMA'I 1033 – 1109)


4

Sa le āno lava i faiga fa'alelotu a o talavou, na avea Asalemo ma se tasi o telosia ta'uta'ua ma ta'ita'i a le Ekalesia. Sa ia taliaina le fa'alupega o le 'Tamā o telosia ma filosofia' sa a'oa'oina mai le amataga e ulua'i tamā o le ekalesia i lona taumafaiga e fa'amalamalama ma fa'apupula le moni o le fa'atuatua e ala i le fesoasoani a mafua'aga.

I le 15 o ona tausaga, na mana'o o ia e ulufale atu ile monaseri, ae na le taliaina ona sa tete'e lona tamā. Sefululua tausaga mulimuli mai ai, i taimi sa le manatu i ni mataupu tau lotu ma tausaga o le olaga so'ona fai, na i'u ona fa'aataunu'u lona fa'anaunau e avea ma monike. Na ulufale atu i le monaseri a Bec i Normandy, ae tolu tausaga maulimuli mai ai na filifilia e avea ma fa'amuamua... ma sefululima tausaga mulimuli mai ai na filifilia a avea ma ta'ita'i a le ituaiga.

Na mafaufauna o se ulua'i fai mafaufauga sa'oloto, sa fa'aeaea Asalemo ona o lona onosa'i ma le agalelei ma le atamai e a'oa'o atu. I lana ta'ita'iga, o le Nofoaga a Monike i Bec na avea ma a'oga monaseli, fa'atosiga i mataupu tau filisofia ma a'oa'oga fa'atelosia.

I le vaitau ia, ona o se talosaga a la latou fa'apotopotoga, na amata ai ona lolomiina e Asalemo ana galuega fa'atelosia, ua fa'atusatusa i galuega a Sagato Aukusitino.



O lana galuega pito sili la ona lauiloa o le tusi Cur Deus Homo (Aiseā Na Avea Ai Le Atua Ma Tagata).

I le onosefulu o ona tausaga, e le'i loto i ai, ae na tofiaina Asalemo e avea ma Akiepikopo a Canterbury i le 1093. O lana tofiga na mua'i te'ea e le Tupu a Enelani o Viliamu Rufus ma na mulimuli ane na talia. Sa tete'e lava Rufus i taumafaiga e toe fa'afou le Ekalesia.

Na i'u ona fa'aaunu'ua Asalemo se'ia maliu Rufus I le 1100. Ona toe vala'auina ai lea o Asalemo i Enelani e le uso a Rufus ma lē na nofoia le nofoa, Enelē 1. Ona o lona tete'e malosi i le aiā a le tupu a Enelani na te tofiaina ai epikopo, na toe fa'aanu'ua Asalemo mo le tolu tausaga i Roma.

O lana tausiga ma le manatu i tagata matitiva ma o ia na ulua'i i le Ekalesia na tete'e atu i le fa'atauina o tagata o ni pologa. Na mauaina mai e Asalemo mai le Komiti Aoao mai le Westminter le tusitusiga e fa'asaina ai le fa'atauina o tagata o ni pologa.

VAITAU O LE ESETA

O Tausaga ta'itasi uma o tatou ma o tatou aiga e masani ona 'au atu i Sauniga o le Eseta i afiafi. O le sauniga aupito sili ona tatou fiafia i ai (ogatasi ma le Misasa i le Vaeluaga o le Kilisimasi). I lenei sauniga, o vaega uma o la tatou fa'atuatuaga ua tu'u fa'atasi, ma ua taulau uma i ai la tatou va'ai. A o tatou gasolo atu i totonusi o le falesā ma sa'ili nofoaga i le malamalama o molīselā, e va'aia le anoanoa'i o molīlaiti ua fa'aola mai le Sela o le Paseka a o fepasia'i mai lea nofoa i lea nofoa, i lea tagata i lea tagata, ua fa'amanatu mai ai iā i tatou le 'aloiafi itiiti o le fa'atuatuua ma le tapua'iga o lo'o tatou tau'ave i o tatou olaga, puipuia mai le agi o le savili, le fesoasoani mai o tagata tatou te lē masani ai pe fa'atoa feiloa'i atu fo'i i ai i lea afiafi. O foliga fiafia o fanau ua fa'amanatu mai iā i tatou le matagofie ma le tāua o le ola, ua pei fa'atoā va'aia mo le taimi muamua. Ua toe tū mai Keriso mai le oti, ma ua suia ai mea uma lava mo le fa'avavau. O le sauniga e amata mai fafo le falesa, i se afi ua pei o se tafuna'i. I tausaga ua mavae o taimi ua tatou va'aia ma nisi o 'au'auna o tūtū fa'ata'amilomilo i nei afi ma e tauivi ma matagi ma timuga e tau fa'aleaga ai le Afi o le Eseta. E mautinoa lava o le tau e faigatā ai i isi o taimi ona tau fa'aola le Molī Sela mai lea afi, ae le'i amata le polesesio aga'i atu i totonusi o le falesā ma le pese "O le Malamalama o Keriso".

I nisi o taimi e ao fo'i ona manatuaina o le tau e a'afia ai nei sauniga: o le malamalama ma le pogisā, o le lafi ma le matagi, o fetū i le lagī, le vai o le papatisoga e fufui i ai le Sela, fa'apa'ia ai le vai o le papatisoga. Ua fa'ailogaina le Sela i le Koluse ma le Alefa ma le Omeka – o fa'ailogia "O A'u" o le Keriso e tete'e atu i le pogisā o le oti, e lē mafai ona manumalō iā te ia, ofoina mai le malamalama iā i tatou pe afai tatou te ioeina o tatou e mana'omia lenei malamalama ma fa'atasi atu ma ona tagata. O le aloiafi ma fetū, ua fa'amanatu mai ai iā i tatou o Agelu, le au



talimalō o le lagī, ua tu'uina atu le molī o le poto i isi mai le Tamā o Malamalama. O fetū iā latou ala ua fa'amanatu mai ai iā i tatou le fa'atulagaina fa'amisitelio o le vateatea, le 'musika o le lalolagi'.

O lana tusi "O le Agaga o le Sauniga," na fa'atosiga ai i tatou e Pope Penetito i le uiga fa'afa'iloga o le lalolagi o le tausaga fa'a-Eklesia – ma na ia fa'apea mai, e ao ona tatou toe pu'epu'e maia le va'aiga fa'alololagi pe a tatou manana'o e toe malamalama ma ola ai le Fa'akerisiano i lona manavaga atoatoa". Sa ia fa'aauau e fa'apea:

"O le fa'atulagaina o le Eseta, na fa'amautūina i Fonotga i Nacea, ua tu'u fa'atasia ai sulufaga i le kalena e mulimilita'i i le kalena fa'aleLā, ae le motusia ai lona so'otaga i le kalena fa'alemasina. I le lalolagi o talitonuga, o le masina, fa'atasi ai ma vaega 'ese'ese, e masani ona va'aia o se fa'ailogia o le itūtama'ta'i, aemaise o se fa'ailogia o tulaga e lē tumau. O le mafua'aga lea o le fa'ailogia o le masina ua feagai atu ma le misitelio o le oti ma le toetū, o lo'o patipatia i le Paseka a Kerisiano. O le Aso Sa e mulimuli mai i le atoa o le masina o le vaitau o le tautuputupu ua avea ma aso ole Eseta, o le la ma le masina o fa'ailogia ia e feso'ota'i fa'atasi ai. O tulaga e lē tumau ua ave a'e i se tulaga e lē mou atu. O le oti ua avea ma toetū ma ua pasia atu i le olaga e fa'avavau."

A o fa'agasolo mai sauniga i le afiafi o le Eseta, o le Sauniga o le Upu ua aumaia iā i tatou le talatalaina mālie mai o aso e fitu o le foafoaga (amata mai le foafoaina ole malamalama i le aso muamua), ua fa'amausalī ai le fa'ailogia o fetū ma le lagī, ua tu'u fa'atasi ai ma vaega 'ese'ese o le tala'aga o le fa'aolataga – le Feagaiga ma Noa, ma Apera'amo, ma Mose, aga'i atu i le Feagaiga Fou i le toto o Keriso mo tagata uma.

Atonu e le mafai e tatou uma ona 'au ai i le Misasa o le Afiafi o le vaitau o le Eseta, ae o le a lava le Misasa e te mauaina o lenei Eseta, o misitelio lava e tasi o lo'o patipatia. Ua toe fa'afou le lalolagi, toetū a'e ma Keriso mai le tu'ugamau. O le olaga fou o lo'o natia lava, vaganā ai mata o le fa'atuatua, ae o lo'o tafe i o tatou tino ma manavaina i o tatou māmā - le 'ea felesi ma le māmā, le 'ea o le aso fou, le aso valu o le foafoaga. I se taimi o mea uma o le a fa'aalia, ma le mamalu o le Eseta o le a va'aia e tagata uma, mai Sasa'e ma Sisifo. Vaganā ua taunu'u mai lenā, e tatau ona tatou ola ai i le malamalama fou ua tu'uina mai iā i tatou e le Sela o le Eseta, tu'uina mai iā i tatou i le pogisā e se tuā'oi tatou te le mailoa.

TENEBRAE – DARKNESS – POULIULI

Tenebrae – o le igoa e sau mai le upu Latina mo le pouliuli – o se ‘aula maoa’e e sa’ili ai le feosofa’iga i tauiviga i le va o le malosi’aga uliuli o le agasala ma le maliu ua atagia mai ua tapēina ai le Malamalama o le Lalolagi, o Iesu Keriso, i luga o le koluse – ae ua fa’amatia ai lava i latou e le manumalō o le sela o le paseka i le Sauniga afiafi o le Eseta.

O le sauniga o le Tenebrae o se ituaiga o le ta’ilua itulā i taeao o le sauniga o le Itulā. O nei itulā e lua e masani ona ta’ua o le matins ma le lauds, na tu’u fa’atasia i se sauvinga e tasi ua masani ona tataloina i le po, i le fa’atitali mo le aso e soso’o mai ai. I le vaitau o le aso e Tolu o le Eseta, ua iloaina o le Aso Tofi Pa’ia, Aso Faraile, ma le Aso To’ona’i Pa’ia, ua avea ma aganu’u e amata ai sauniga i se falesa ma molisela ua fa’amumuina ma tu’u fa’atasi i se laulau. I le mae’ai o Salamo ua umi ai le sauniga, e tasi le sela ua tapēina, se’ia totoe ai le tasi o sela, le sela a Keriso, e tumau ai le mumū ai pea. Ua ave i fafo, ma o isi taimi e muamua atu i le Sela a Sakaria. Ile fa’ai’uga o le sauniga, e sasa e le aufaipese a latou tusi pese aga’i i nofoa e fa’ata’ita’i ai le leo o se mafui’e, o le fa’ailoga lea e toe aumai ai i totonu le sela, ae o lo’o ola mumū pea, o se ata lafoia a le Sauniga o le malamalama o le Eseta. O le o’otia o le sauniga na fa’ateleina atili e pesepesega o auega taufa’amata’u a Ieremia, o faitauga na filifilia mai le Tusi a Auega a Ieremia.

Ua ofoina mai ni nai manatu e patipatia ai i se isi faiga le Tenebrae i aiga.

Taimi: la fa’amaoni i tu ma āga mai anamua, o le toe aumaia o Aso e Tolu pa’ia, ua a’afia ai le Aso Faraile Pa’ia, Aso To’ona’o Pa’ia ma le Aso Sa o le Eseta. O nei aso e tolu ua amataina i se sauniga o le afiafi o le Tausama’aga a le Ali’i i le Aso Tofi Pa’ia. O le lua itula o le Sauniga i le Pouliuli ua toe fa’afō’i i lona taimi talafeagai i le vaveao. O le Tenebrae la ua patipatia lelei o se Tatalo o le Taeao i le Aso Faraile Pa’ia ma le Aso To’ona’i Pa’ia.

Ona o le fetaua’iga o le malamalama ma le pogisā, ua alagatatau ai ona fai tatalo i le vaveao a o la lava e pogisa, pe, afai e le talafeagai lea, i se taimi mulimuli i le taeao lava i se nofoaga e mafai ona puipuia ai le sau o le malamalama.

Siosiomaga: E fesoasoani pe a faia o se nofoaga la’ititi e pa’ia, e pei o se laulau o lo’o i ai se koluse ma ni molī selā se tolu ua fa’aoaina, mo le sauniga. Afai e mafai ona tu’u ai fa’apea le nofoaga lea e aunoa ma se afaina mo le tolu o aso, o le a avea ma fa’amanatu le leōa o le fa’atusa pa’ia mo lenei vaitau sili le pa’ia.

Aiseā e tāua ai tele foliga o le tagata?

A tatou mana’o e fia iloa pe āno mai se isi iā i tatou, e muamua lava o ona foliga tatou te va’ai i ai. O le foliga o le autū o feso’ota’iga uma a le tagata, feso’ota’iga i le va o a’u ma ‘oe. O foliga o lē alofagia o se mea tatou te taofiofi i o tatou loto ma mafaufau pe a lē o fa’atasi ma i tatou.

Afai fo’i o se tagata ua maliu, o foliga o le a fa’aalia maia lea tulaga pagatia. I le maliu, o foliga e lē toe gaioi. E le toe manavaina e le isu se ‘ea, pe manavaina mai fo’i i fafo, E le toe gaioi le gutu. E le toe pulaloa mai matai iā i tatou. Ua va’ai i se mea tatou te lē mafai ona iloaina atu, i se nofoaga e lē mafai ona tatou mulimuli atu i ai.

E faigatā ona tomanatu i foliga o se tasi e alofagia a o mou mālie atu i le oti.

Se’i manatu ifo pe afai o lenā tagata o le Alo o le Atua. Se’i manatu ifo lava pe sa e iloaina o nei vaega e lē toe ta’ua e pei o mea tuma’oti ia te oe lava. O va’aga i se tagata ua e so’otaga atu i ai i mea uma lava e pei o le lelei, atamai, alofa. Se’i manatu ifo lava pe afai sa ia fa’amatoloina ‘oe. Manatu ifo pe afai sa ia fa’aosofiaina lou loto i se tala sa ia tautala mai ai, suia lou olaga i le ‘ata mai, le sanisani alofa o le pupula mai pe va’ai atu o taumulimuli atu i ai.... mafaufau pe afai ua ia vala’auina mai oe i fafo o lou fale, mai lalo o le la’au, alu’ese mai lou moega-ma’i, e o’o lava mai i lau moe oti. Pe mai lou lava tu’ugamau, e tolu aso talu ona tanu.

Ma o lenei ua leai o ia. Ua uma o ia. Ua ia tu’uina atu le itū aitu.

Leitioa na sosola ‘ese atu le au Apostolo.

EVAGELIA A MAREKO: O SE ĀTA FA'ATA'ITA'I MANUIA

Afai e tu'ua 'oe e sau uō, afai o ali'i ua i ai ni vae e faia i le palapala, afai e fa'alataina i tatou e ta'ita'i, afai o ni vaega'au ua puapuagatia ma faia'ina ma tu'ua i tatou i ni manu fe'ai, ua tatou matata'u. Ua malepe le fa'atuatua. Ae afai ua tatou iloaina se ali'i ua sili atu i isi ali'i, pe afai ua tatou iloaina o ia o le tasi na filifilia, o le Mesia, e avea ma Atua: ae na i ai lava auala a le tiapolo mo ia, fa'asauāina ma fa'aleagaina o ia. O le a le isi mea e fai? Ua leai se mea o totoe. Leai se sulufa'iga. Leai se fa'amoemoe.

O le Maliu ua i ai ona uiga leaga e fa'apasasa ai o tatou foliga i le 'ele'ele. O ana gaioiga e faia ma le leai o se salamō, ma e masani e fa'alumainia. Mo Keriso e oti e pei ona i ai o ia o se faiga ua matuā fa'ate'ia ai le mafaufau. Atonu o latou sa fa'atasi pea ma ia le taimi atoa o nei faiga na mafai ona ua leai lava ma se malosi e tu'ua ai ma savali 'ese. Pau le mea ua totoe iā i latou na tu'uina atu e le malosi'aga fa'aletagata: o lona tino na fa'asauāina, ma ua gapatia.

O tu masani e le fa'aletonu i le manatu atu o lona lava tinā na le mafai ona mānava, a o mou mālie atu mai lenei lalolagi.

Po'o lenā so'o peleina, lē aupito i la'ititi ma fa'alētāua a le au so'o, na manatu e i ai pea o ia, i lona itū, i lo le fa'atasi atu ma ana uō sa mailoina a'o lenei ua fa'avalevalea.

Po'o o le Matalena, sa mauaina mai se fasi 'ie'ie tāua , ua sili atu lona tau i lo le taleni e le'i leva atu ona fa'au'uina ai o ia. Ma o lenei fasi 'ie'ie e susulu mai ua ufiuhi ai ona

foliga ua lavatoto. O se tāga mulimuli maumaua'i o lona uiga, a o latou fa'avavevave ona tu'uina lona tino i le tu'ugamau ona ua lata mai le sapati.

Leitiōa o na lima fa'atinā na tu'uina atu lona tino mālūlūina i le tu'ugamau, ua avea ma lima o le Ekalesia. Po'o o lana tama fai fou, na muamua mai ia Peteru o lea ua tamo'e i le ala sa'o, ma taunu'u ai i le tu'ugamau, ina ua mae'a le sapati tuai ae tafa mai āta o le sapati fou.

Po'o lenā fafine finafinau, lenei fa'atusa o tagata agasala, o lona olaga ua suia e lesu, o ia na muamua fa'alogi i lenā leo ua masani ai: ua ia iloaina lelei lava ona sa ia vala'auina o ia i lona igoa. Sa ia fa'ailoa atu o ia lava iā te ia e ui sa ia le mafai ona va'ai atu iā te ia, ona o le susulu malosi o le la na i tua atu o lē na faia, o lo'o liutino tagata, ma ua i ai ma se foliga tagata mo tagata e va'ai i ai.

O lenei foliga ua va'aia na manumalō i le oti, e mālie lava e le o fa'amatalaina i Evagelia. O le mea o lo'o fa'amatalaina o le a'afiaga a lenā pupula matagofie iā i latou na fa'amanuiaina e feagai atu i ai, o se ituaiga o pupula e momoli mai ai le fa'anaunau ina ia ola. O le fa'anaunau ina ia sili atu i mea fa'atauvā'a o tulaga fa'aletonu i aso ta'itasi. O le fa'anaunau e alofa atu i isi e pei ona la alofa mai ia i tatou.

Ia tatou fa'atuatua o tatou fo'i o le a va'ai i lenā Foliga, tumu i le ola, mumū ai le afi o le alofa ua sili atu le malosi i lo le oti. A leai ma se isi lava mea tatou te talitonu i ai, ia tatou talitonu i le Toetū!

O MARIA MA LE TOETŪ

O LE ASO LENEI NA FAIA E LE Ali'i; ia tatou fiafia ma olioli ai. O aso uma o aso a le Ali'i, ona o ia o lē na Foafoaina o le taimi, ae ua fa'apea na ia faia lenei aso i se auala fa'apitoa ona o lenei aso sa ia fa'ataunu'u ai le galuega o lo tatou fa'aolataga. Ma talu mai o le galuega lenei a le Atua ua sili atu, le aso sa ia fa'amuta ai o le aso sili lea. O le aso lenei na faia e le Ali'i ona o mea uma lava o lo'o a'afia e ia lava. O isi aso sulufaga o lo'o i ai lava se mea tau ia tatou, ae ona o a tatou agasala, ae le o le aso lenei o agasala po'o puapuagatia ae o le fa'ataunu'uina o le mamalu. Lona uiga, o mea uma lava o lenei aso o le Atua lea. I lenei aso na olioli ai le itū tagata o Keriso, na olioli ai le Tinā o Keriso, le au so'o a Keriso na olioli, le lagi ma le lalolagi na olioli, na o'o lava i ifeli fo'i o se molimau e le'i mana'o i ai i lenei olioli...O ai e mafai ona fuaina le fiafia o Maria?...Ua

olioli tele Maria sa le mafai e lona loto ona taofiofia le malosi'aga na feagai atu i ai pe ana leai le fesoasoani fa'apitoa mai le Atua. Le Taupou Pa'ia e, lenei to'atasi ua lelei tele. Ua lava lea o lou Alo e ola ma tula'i i ou luma. Ua leai se isi mea e te fa'anaunau i ai. Le Ali'i e, ua e silafia lelei lava ona fa'amafanafana latou ua puapuagatia mo oe. E le fa'atusalia lenei puapuagatia pe a fa'atasi atu i lenei fiafia. Afai ua e fa'amafanafana i latou ua puapuagatia ona o 'oe, ia fa'amanuia le au puapuagatia ua tauia.

EVAGELIA A MAREKO: O SE ĀTA FA'ATA'ITA'I MANUIA

O SE MALAMALAMA I OU ALA – ASO SA LONA LUA O LE ESETA

O le tala ia Toma le masalosalo e mafai ona aumai ai se va'aiga e lē moni o le Ekalesia e tausi i se fa'atuatuaga e tauaso ma e 'alo 'ese mai le atamai moni. A faitau so'o se pasina a tusitusiga a Tomasi Aquinas e lē o fa'aleagaina nei manatu. O le manatu autū lava, ina ua fa'aali lesu toetū i luma o lē na masalosalo, na vala'auina Toma ina ia fa'amalieina lona masalosalo i le fa'amaonia o tulagā fao i lima ole Ali'i ma le manu'a i lona itū. I le fa'ai'uga o lenei feiloa'iga, na faia e Toma se kofesio e lelei ma le moni atoatoa fa'atelosia i lo se isi lava tagata o le Feagaiga Fou: "Lo'u Ali'i e, ma lo'u Atua!" O le Ekalesia Katoliko e lē lagolagoina a'oa'oga o le atamai e fa'amoemoe ile fa'atuatua po'o fa'aaliga, leai se atamai po'o se poto masani i tulaga tau i fa'aaliga.

O le a la le autū o lo'o aumai nei? E tāua le maitauina o Toma e va'ai ma malamalama tonu lava ina ua toe fo'i i le

li'o lea fa'aapostolo. O lona masalosalo, pe a tatou va'ava'a'i i ai, o se gaioiga o lona lē'au ai i le Potu i Luga i le vaiaso ua tuana'i atu. I totonu o le fa'apopotogia a ona uso, i totonu o le Ekalesia ua tau amata, sa ia maitauina. Amata mai le ali'i o Descartes, o mea i aso nei ua taunu'u i ana mafaufauga ma le mau fa'aonapo nei ua maua ai le manatu e fa'apea: "Ou te manatu; lona uiga o a'u nei." O le Ekalesia i se isi itū sa manatunatu lava i le cogitamus (tatou mafaufau).

O le talanoaga fa'atelosia ua pei o se ta'aloga, ua talatala mālie mai i le taimi ma avanoa, se tasi o fai mafaufauga ua tu'u atu se manatu i se isi, ona ia togia atu lea i se isi, ona manatunatu loloto lea i ai ona fa'apea ai lea ona pasia atu i isi. I lenei faiga o le avatu ma aumai, i le fapaoptoptoga a le eklesia, ua tatou va'ai manino lelei ai i le moni o Keriso.

8

TALA FA'AOPAPO

Se a se mea tatou te faia i nei tagata? Ua fa'aalia le lē mautonu o le au ta'ita'i, toeā'i'ina ma le au tusi upu i foliga fa'aalia o le toto'a ma le mafanafana a Peteru ma Ioane i le uma o le toetū o Keriso (Galuega 4). E o'o lava i lenei vaitau o le Eseta, ua tatou tomanatu ai i mea fa'avavega na mulimuli mai i lenei taimi, e ao ona tatou manatuaina o le avea ma molimau e pei o le au apostolo ma isi so'o, e i ai le popolega o le fa'alavelave i isi: o le avea ma fa'ailoga o le fete'ena'iga.

O le a le mea o lo'o fete'ena'i ai Kerisiano? O le a le mea na faia e suli o le Ekalesia o lo'o tau amata na fa'apopoleina ai le au ta'ita'i o le malō? O le fa'amalologa ma le feso'ota'iga. O le avatu o le fa'amoemoega fou i le au matitiva ma le au puapuagatia, se mafanafana o le loto i se lalolagi pagatia. O le mea ua tatou fete'ena'ia o le "aula tuai" ua leva toe lē lavā, ua faigatā ona suia, le i ai o le masalosalo fa'atasi ai ma le lu'itau mata'utia na tu'uina mai e Pilato: o le a le mea moni?

Ina ua tatou va'aia o ai ma o le ā Keriso, ua ia aumaia iā i tatou se va'aiga mamao i se isi auala e ola lelei ai, o se auala e fa'avae i le mafanafana atoatoa ile alofa o le Atua mo tatou, o se alofa e sili atu i faigatā uma, e o'o lava i le otia: Aiseā la tatou te lē taofiofia ai ma 'ua le fa'ailoaina atu i isi. O le ituaiga o moni lenei e lē mafai ona fa'ata'atiaina i autafa ona o se finauga po'o se fa'aaloalo fo'i. O le ituaiga o moni e tatau ona aumai i fafo mai ia tatou, e mafai ai ona tatou tali atu i le fa'atalanoaga e pei o le au ulua'i apostolo: "E le mafai ona folafola atu e taofia le folafolaina o mea ua tatou va'ai ma fa'alogo i ai."



O LE MISITELIO O LE LEOLEO MAMOE LELEI

O lesu o le Leoleo Mamoe Lelei ona o le tulaga lea sa ia foa'iina ai lona ola i le Tamā i le faiga lenei: toe fa'afō'i atu i le faitaulaga, sa ia tu'uina atu mo mamoe.

O lea ua tatou ulufale atu i se malae e uiga tutusa le mata-gofie ma le manaia, ua fa'anaunau i ai perofeta o le Feagaiga Tuai. O upu nei a Esekielu: Auā ua fa'apea ona fetalai mai o le Ali'i le Atua: Fa'auta, o a'u, o a'u lava, ou te su'eina la'u lafu, ou te matuā su'esu'e lava i ai...ou te fagaina la'u lafu, o a'u fo'i e ta'o'oto ai i latou (Esekielu 34: 11, 15).

I le toe tauaveina o lenei fa'atusa, na fa'aalia e lesu se vaega o le alofa o le Leoleo Mamoe Lelei e le'i fa'ama-manaina e le Fegaiaga Tuai: ia foa'iina le ola o se tasi mo ana mamoe.

E pei ona iloina, e masani ona fa'aogā e lesu fa'ata'oto i ana a'oa'oga e momoli mai ai le moni e mamana o lo'o ia folafolaina mai ma le maminō lelei i tagata masani o nu'u ma ua masani e mafaufauna i uiga o tala fa'atusa e momoli mai ai ni a'oa'oga. O lenei fa'atusa o le Ta'ita'i ma le lafu ua masani ai tagata ua lava le fa'alogō, e pei lava i le mafaufa o tagata i nei onapō. E ui o le alualu i luma o le malamalama'aga ma faiga i nei aso, o lenei tala fa'atusa, o lo'o i ai pea i tulaga o a tatou galuega fai. E tata'i e leoleo mamoe i mamoe i nofoaga e lelei ai le vao ma nonofo ai ma latou i le vaitau o le taumafanafana. Latou te ō fa'atasi ma mamoe i lea nofoaga i lea nofoaga. Latou te leoleo i ai ina ne'i sēsē, aemaisse lava e puipui ia i latou mai manu fe'ai.

O le Leoleo Mamoe Lelei, e pei ona fai mai ai Keriso, o ia lava lea, e va'ai atu o sau le luko, e le sola 'ese, ae sauniuni e tu'u lona ola, tauivi ma manu e lamatia le lafu ina ia leai se mamoe e leiloa pe sē. Afai e lē faia fa'apea e le leoleo mamoe, e lē talafeagai o ia ma le fa'aupuga o le Leoleo Mamoe Lelei. O ia ua na o se tagata ua galue mo se taui ae lē o se leoleo mamoe.

O a'oa'oga fa'atusa nei a lesu. O lona uiga autū ma le tāua o lo'o aumai tonu i'inei, o le leoleo mamoe lelei o ia o se tasi ua tu'uina atu lona ola mo ana mamoe (Ioane 10: 11); ma o lenei, i le aumai ai o mea na tutupu i le Vaiaso Pa'ia, lona uiga, o lesu na maliu i luga ole koluse, tu'u atu lona ola mo tagata uma.

Ua na o ia e mafaia; ua na o ia e mafaia ona tau'ave le mamafa o le lalolagi atoa, le avega o le agasala, le mamafa o agasala a le tagata, le aitalafu na fa'aputu, i le tuana'i, taimi nei ma aso eluā; o puapuagā ua tatou nofo aitalafu ai ae le mafai ona totogi; i lona lava tino i luga o le la'au (1 Peteru 2: 24) na ia ofoina mai o ia lava o se faitaulaga sili ile Atua e ala i le Agaga e fa'avavau...ma faia le 'au'aunaga i le Atua soifua (Eperu 9: 14).

O se galuega lelei a Keriso, na foa'ia lona ola mo tagata uma: o le mea lenā ua ta'ua ai o le Leoleo Mamoe Lelei. E ala i le faitauga fa'apaseka, o tagata uma na avea ma lafu – ona sa ia fa'amausalī atu iā latou ta'itasi lenā olaga e sili atu lona natura male mamana, talu mai le pa'ū o le tagata, aitalafu i le Ulua'i Agasala, ua mou atu. Ua na o Keriso e toa'tasi ua mafai ona toe fa'afō'i lea ile tagata.

9

SAKALAMETA

MAI LE FA'AU'UINA O LE MA'I AGA'I ATU I LĒ O LE A MALIU

I le vaitau o le seneturi fitu ma le valu sa tele ni tala fa'avavega o le fa'amalologa ina ua fa'apa'iaina e ali'i ma tama'ita'i pa'ia le ma'i i le suā'u. Po'o le a lava le tala'aga moni o ia tala ua fa'aalia mai ai i le amataga o le Vaitausaga Ogatotonu, sa fa'aogaina e Kerisiano le suā'u i fa'amalologa. O nisi o taimi o sauniga o le fa'amalologa sa faia e se ositaulaga ma o isi taimi o ta'ita'i o le fa'apotopotoga. O le fa'au'uina sa masani ona fa'atinoina i le suā'u sa fa'apa'iaina e se epikopo, ae le fa'apea o taimi uma. O fa'amaumauga o ia taimi o lo'o fa'ailoa mai ai sa talosaga tagata mo se suā'u e fa'amālōlō ai so'o se ma'i o le tino, mafaufa po'o le fa'aletonu fa'aleagaga, ae latou te le'i

talosagaina se fa'apa'iaina pe afai ua latou galona o le a maliu. Mo latou ua lata ona maliliu o le talosaga mo le sakalameta o le togisala ma le Eukalisitia.

A talia e tagata o le a maliliu le sakalameta o le togisala, ua fa'au'uina fo'i i le suā'u. O lenei fa'apa'iaina o se gaioiga fa'aositaulaga, ua fa'atinoina pe afai o tagata o le a maliliu. O le tu masani o le tuma'oti a tagata laua'itele mo le fa'aleleiga, ae ui i lea, sa fa'aauau pea ile seneturi e iva.

O le seneturi iva o se vaitaimi o le toefa'afou i le Malō a Roma. I lalo o le fa'amalosia o fa'afouga fa'apulega, na

SAKALAMETA

MAI LE FA'AU'UINA O LE MA'I AGA'I ATU I LĒ O LE A MALIU

amata ai e epikopo ona feiloa'i ma fausia ni tulafono i se faiga e fausia ai se tasi'aga i galuega fai a le Eklesia. O Siale le Silisili na fa'atonuina epikopo ina ia fa'aoga le tusi Fa'asakalameta Fa'akelekolio, na tu'u fa'atasia i tausaga 590 – 604 o lo'o fa'amatala ai upu ma gaioiga e fa'aoga pe a fa'atinoina sakalameta. Ae le'i tufutufaina nei tusi o le fautua a le ofisa a Siale, o Alcuin mai York, na faia se fa'aopopoga o tatalo ua a'afia ai ni sauniga fou mo fa'au'uina o ma'i e ositaulaga. Na tu'uina e Alcuin lenei sauniga fou i le vaega o le fa'aopopoga o lo'o i ai tatalo mo le 'au maliliu ma le sauniga o le fa'aleleiga o latou o le a maliliu.

I tausaga na mulimuli mai ai, o le tusi Sakalameta na toe fa'afouina ua amata ona fa'aogaina i le Malo atoa ma ole tele o epikopo i Europa i matū ua manatu o le fa'aopopoga o se vaega o le ulua'i tusi. I le fa'atinoina o sauniga o le tele o epikopo sa fa'ama-mafaina le tāua o le fa'apa'iaina fa'aositaulaga ma amata ai loa ona fa'asā le fa'atinoina o nei sauniga e tagatā lotu. O le fa'au'uina fa'aositaulaga sa fa'atinoina i le faia o le fa'ailogia o le koluse i le suā'u pa'ia i vaega o le tino o le tagata ma'i, avatu le mata'itū fa'apitoa i vaega o lo'o logotīgā ai le ma'i. E ui so'o se ma'i e mafai ona fa'au'uina i lenei auala, ae o le mea moni lava o lenei sauniga ua fa'atino nei ua na o latou e ogaoga le ma'i ma ua lata ona maliliu.

10

I le tau fa'ai'ui'u o le seneturi iva, o nei 'sauniga mulimuli' ua le Eklesia Roma. I lea vaitau ole sauiniga o le fa'au'uina o ma'i sa fa'asolosolo ona lē toe fa'atinoina e tagata laua'itele.

- le sauniga ua na o le falesa e mafai ona fa'atino ai; afai o le tagata ma'i e mamao ma e lē mafai ona avatu i le falesa, e lē mafai ona fa'asuau'uina.
- se aganu'u le fa'aioloaina le matafaioi a le ositaulaga i le sauniga i le avatu i ai o se meaalofa tupe. O le tele o aiga e matitiva tele e lē mafai ona faia lenei totogi mo se ositaulaga e to'atasi ma e to'atele ua le mafai ona totogi ni ositaulaga uma o lo'o i lea monaseri.

I le feso'ota'i ai ma sakalameta o le togisala ma le maliliu, o le fa'au'uina ua tauavea se faigā togisala malosi. Ae ina ua taunu'u mai i le seneturi sefulutasi o tatalo ile sauniga e talosaga ile Atua mo le malosi fa'aletino a le tagata ma'i fa'apea le fa'amagaloina o a latou agasala. I le seneturi sefululua na amata ai ona suia. Ona o le fa'au'uina e seāseā avatu i tagata ua manatu e toe maua le malosi mai a latou ma'i, o tatalo mo le fa'amalologa fa'aletino ua amata ona ave'ese atu mai sauniga ma na suia i tatalo ua tautala na o fa'amagaloga o agasala ma le fa'aolataga.

A o fa'asolo ona sui tatalo, sa fa'apea ai fo'i ma tāga o le sauniga o le fa'apa'iaina. O le suā'u sa masani ona fa'aogā i vaega o le tino e mana'omia le fa'amalologa o lea ua fa'aogā i vaega o fa'alogo'aga ma lima ma vae. O le tatalo mo fa'amagaloga ua

talosaga ai i le Atua e fa'amagalo agasala na faia e ala i vaega 'ese'ese o fa'alogo'aga ma lima ma vae.

O le au atamamai mai taimi ua tuana'i na ioenia fa'atasi o le suā'u na fa'apa'iaina e le epikopo o se vaega ole sakalameta, ae sa i ai se fe'ese'eseaina i le tulaga (ona sa leai se sauniga mautū) ma a'afiaga ile tagata o lo'o fa'asuā'uina. Sa i ai fo'i ma le fe'ese'esega pe tatau ona avatu le sakalameta i tamaiti, latou e sagatona mafaufau, po'o latou e lē o malamalama ua leiloa ni mea. Pe tatau ona avatu i le amataga po'o le fa'ai'uga o le ma'i?

I le seneturi e sefulutolu e tolu ni vaega sa fa'afaigofie ai galuega a le au faitelosia:

- i le tele o nofoaga o le sauniga na toe fa'aleleia ina ia mafai ai ona fa'ataunu'uina e se ositaulaga e to'atasi.
- le fa'au'uina ua na o le taufa'ai'ui'u o le ma'i pe a mautinoa ua lata ona maliliu.
- tatalo ua fa'atagisia ai mo le fa'amaloloina fa'aletino ua ave'ese mai le sauniga ma o le sauniga ua fa'aoga i taimi o fa'au'uina ua fa'aautu i le fa'amagaloina o agasala. O le faiga lenei na avea ma tulaga o sakalameta mo le au atamamai o lenei taimi.

O le telosia o sakalameta sa fenumia'i lava. E foliga mai e mo le fa'amagaloina o agasala, ae ua i ai le isi sauniga fa'asakalameta mo le fa'amagaloina o agasala. O le ā le 'ese'esega sa i le va ole togisala ma fa'au'uina? Sa talitonuina e Aquinas o le sakalameta ole fa'au'uina na amataina e Keriso e ala i aposetolo o se auala o le fa'amalologa fa'aleagaga, fa'amalologa ole agaga mai fa'ama'i o le agasala. Ole suā'u o se vaila'au fa'amaloloina o se fa'ailogia o lenei fa'amalologa ma le tatalo e faia ile taimi o le fa'au'uina e vala'au ai i le Atua mo lenei kalasia. Sa talitonu Aquinas o le tagata ua fa'au'uina e tatau ona malie i le te'ena o le fa'anaunauga i le agasala ma liliu atu i le Atua i se agaga o le alofa ma le salamō. Ona e mana'omia se tali, sa talitonu Aquinas o le sakalameta sa lē tatau ona avatua i tamaiti po'o latou e lē malamalama i lona uiga.

Ile seneturi sefulufa ma le sefululima na talia e le au fai telosia le manatu o le fa'ae'eina o totogasā o se sauniuniga mulimuli lea e talia e i latou ua lē toe iloaina se mea, ae ia mafai lava e o latou agaga ona talia le kalasia a le Atua.

Ile tausaga 1439 o le Fonotaga i Florence na lisi ai le fa'ae'eina o totogasā o se sakalameta lona lima aloa'ia a le Eklesia, ma fa'ailoa mai latou e mama'i ua lata ona oti. Sa fai mai fo'i le Fonotaga o le a'afiaga o le sakalameta o le fa'amaloloina lea ole agaga ma o isi taimi o le fa'amalologa o le tino, ma le agaga fo'i pe afai e aogā....fa'aauau pea....

O LE PESE A LE ‘AU’AUNA A LE ATUA

O ‘oe, Israuelu e, la’u ‘Au’aura, o ‘oe lakopo e, o lē na ou filifilia, o le fanau a Apera’amo, la’u uō. O ‘oe lē na ou aumaia i tuluiga, na a’u vala’auina fo’i oe i ona itū mamao, na ou fai atu fo’i iā te ‘oe. O ‘oe o la’u ‘au’aura, o lē na ou filifilia, ou te le’i lafoaina ‘oe.’ Ou te fesoasoani ia te oe, fai mai ai le Ali’i; o lou Fa’aola o le Tasi Pa’ia a Israuelu ma e te olioli i le Ali’i e te mitamita fo’i i le Pa’ia o Israuelu’ (Isaia 41: 8 – 16). O lenei perofetaga na fa’ataunu’uina iā Maria, le afafine a Siona, le paleali’i o le tala’aga a Israuelu.

O ia moni a Israuelu, le ‘au’aura, le tama’ita’i agamalū e mafai ona peseina le pese ole fa’atuatua ma le fafia, le pese a le ‘au’aura o le fa’ataunu’uina iā lesu, lana tama.

A tatou metitasio i pese a le auauna ile Isaia e lua, ma i le pese a Maria, ua tatou iloa ai lo latou tu’ufa’atasia. O lea ua fa’amatala mai e le tusitusiga pa’ia o Maria o le Eva fou, Ua lelei nauā Israuelu, ma ua i ai nei ma le fa’amaoni i autafa o le fa’amoemoega mo le Mesia, le Auauna a le Atua.

O lo’o fa’amatala lelei mai e Luka, ‘Ma na fai mai Maria.’ Ioe na olaina e Maria le pese a le auauna ma fa’asoai ai ma Elisapeta ma Sakalia. O upu nei ma le tatalo ua fa’ailoa mai e ala i le atoaga o lona olaga, o ona mafaufauga, fa’anaunauga ma gaioiga. I itula o fiafiaga ma i taimi o puapuagā ma na o’o lava i lalo o le koluse, o le olaga a Maria ole a usuina le pese a le auauna. O Maria o le Pese (Luka 1: 46 – 65). O le aiga fa’apostolo na va’ai i lenei pese maoa’e o se pese o vi’iga ua tu’u fa’atasia ai le olaga ma le matafaioi a Maria i le Ekalesia..

O le pese a Maria ua lē fa’amatatalaina na o le fa’atuatua a le Taupou ma lona tu’u fa’atasia vavalalata ma le Atua. O se pese mo le olaga a se tasi ua tatou fa’amamaluina o se āta fa’ata’ita’i ma e pei ona i ai, o le tinā o le Ekalesia. O le olaga o Maria ua fa’alia maia le uiga o le avea ma matafaioi a le Ekalesia i le tala’aga o le fa’alataga, ua mafai ai e le Ekalesia ona folafolaina o le Atua e fa’atasi ma latou e laiti. O ia e fa’alotomaulaloina le fa’asausili ma e fa’aeaina lana Auauna, lesu Keriso, ma latou uma e mulimuli ia te ia, i fa’ata’ita’iga a Maria.

‘Ta’u atu, lo’u olaga, le matagofie o le Ali’i’. Ae talu ai ona e fa’aoa e le tusitusiga Eleni fa’auigaga se lua, ua talia fo’i ona fa’apea, ‘Ta’u atu, lo’u agaga, le matagofie o le Ali’i’. Ua mautinoa lava o le vaega vavalalata o le olaga o Maria o lo’o pese le pese a le auauna, ae o lona olaga atoai fo’i. Ua fa’apa’iaina atoai o ia i le vivi’i ma le fa’aloalo o le Atua o lo’o fa’atasi atu i le atoaga o lona olaga. O lona tagata o se fa’afetai molia. O lo’o fa’atasi ma lesu, ma ona o lesu, le tagata Eukalisitia atoatoa. Ona o ia o lē e vivi’i i le Tamā i le agaga ma le moni’, o se vaega o lana vivi’i fa’afetai o lona manatu lea l mana’oga a isi ma lona fa’anaunau e aumai le tala lelei o le fa’alataga i tagata uma lava, ma fa’aloalo ma vivi’i ai i le Atua.

‘Fiafia, fiafia, lo’u agaga, i le Atua lo’u Fa’aola’. E mafai fo’i ona tatou fa’aliliuina fa’apea: ‘Fiafia, lo’u agaga, ia lesu’, ona o le igoa o lesu, i le gagana Eperu ‘losua’, lona uiga moni lava ‘le Atua lo’u Fa’aola’. O le agaga a Maria ua pā’ia ma fa’agaioia e le Agaga Pa’ia. I lona olaga ua fa’ataunu’uina ai le perofetaga a Esekielu: ‘Ou te tu’uina atu fo’i lo’u Agaga i totonu iā te outou’ (Esekielu 37: 14), ma toe fa’apea mai ai ‘Ou te tu’uina atu lo’u Agaga i totonu iā te outou, tou te savavali ai i a’u tulafono, tou te ‘ana’ana fo’i iā u’u fa’amasinoga ma outou faia (Esekielu 36: 27).

O lea ua fa’amatatalaina e Tamā o le Ekalesia Maria ‘o le masiofo a le Agaga Pa’ia’ ona o lona usita’i atoatoa ua ia talia ai meaalofa ale Agaga Pa’ia ma le fa’afetai. Ua tumu o ia i le fafia fa’amesia fa’apea o se ave fe’au fa’atuatua o le tala lelei. O lona fa’atuatua o le fafia, ma o latou e feso’ota’i ma Maria e lagonaina lena fafia o le fa’atuatua.

Matou te vi’ia oe, le Tamā Mamana e,

Ona ia Maria ua e aumai ai iā i matou le Eva fou, le Fafine malosi,

Se fa’ailoga o le lagi fou ma le lalolagi fou.

Matou te vivi’i iā te oe mo le aumaia o Maria o le tumu i le fafia o le fa’atuatua

Ua tafe mai ai le malosi e auauna atu ai i mea uma lava.

Matou te tatalo i le suafa o lesu iau Auauna,

Mulimuli mai ai Maria, le auauna agamalū:

‘Ia avea o matou olaga atoai o ni pesepesega o lou silisili,

Lou pa’iaga ma le alofa.

Foa’i mai se loto fa’afouina; ia fa’amamā i matou e le kalasia a le Agaga Pa’ia

Ina ia matou fafia ai pea ia te ‘oe, le Tamā silisili’ese, ma ia lesu Keriso lo matou Fa’aola’.

Fa’afeta Maria, fa’afetai iā te oe; ona sa e pese ma ola ai le pese a le auauna,

O le pese o le fafia, i o matou igoa fo’i; ma na e tatalo fo’i mo matou ina ia matou fa’atasi ai ma oe i vi’ivi’iga i le silisili’ese o le Atua ma le fiafiaga i le latalata ia te ia.

Ma matou te fa’apea atu ai ‘fa’afetai fa’atasi ai ma le au pa’ia uma lava o lo’o i le lagi fou ma luga o le lalolagi fou matou te pepese fa’atasi ma oe i vi’iga o le Ali’i. Amene.

GALUEGA A LE AU APOSETOLO

O Fa'ailogia ma Matagofie a le Au Apostolo

¹² Ua faia e lima o le 'au apostolo fa'ailogia ma vävega e tele i luma o le nu'u. Sa i le fa'apaologa o Soloma fo'i i latou uma lava ma le loto gatasi. ¹³ A o isi tagata, ua leai so latou ua fa'amalosi e fa'atasi ma i latou; a ua vi'a i latou e le nu'u; ¹⁴ ua atili ai ona fa'aopoopoina e le Ali'i ē ua fa'atuatua, e to'atele o tane atoa ma fafine; ¹⁵ ua o'o ina aumai e i latou i ē mama'i i malae, ma fa'ata'o'oto ai i moega ma fata, tau lava ina ia fa'apaoloina ai nisi o i latou i le āta o Peteru pe a ui ane o ia. ¹⁶ Ua o mai fo'i le motu o tagata mai 'a'ai ua vagavagai i Ierusalem, ua aumai e i latou ē ua mama'i ma ē ua tigaina i agaga leaga, ua fa'amaloloina i latou uma lava.

5: 12 – 16 O le isi Aotelega

O le vaega a lesu sa fa'aauau pea ona potopoto i le fanua o lo'o i ai le malumalu. Ma o "fa'ailogia ma matagofie" na faia e le Atua e ala iā lesu (2: 22), mo le fa'aauauina o mea na latou tatalo ai (4: 30), ua fa'aauau pea ona tupu e ala i le au apostolo. A o na o le pa'i i le ofu a lesu ua lava lea mo ni fa'amalogia a o faia lana tala'iga (Luka 8: 43 – 44), a o lenei ua sa'ilī fo'i tagata i le pasia ifo o le fa'apaologa a Peteru o se auala e maua ai le fa'amalogia ma momoli 'ese atu ai mai agaga leaga.

12

O le Sauaina o le au Apostolo

¹⁷ Ona tutū ai lea i luga ole ositaulaga sili, ma i latou uma ua iā te ia, o le itū'āiga lea a le au satukaio, ua matuā matata'ua lava i latou. ¹⁸ Ua latou pupu'e atu fo'i i le au apostolo, ma tu'u atu iā te i latou i le fale puipui o le nu'u. ¹⁹ A ua tō mai puipui o le fale e le agelu a le Ali'i i le po, ua na ta'ita'i iā te i latou i fafo, ma fa'apea atu, ²⁰"Inā tutū i le malumalu ma tautala atu i le nu'u i upu uma lava o lenei Olataga." ²¹ Ua fa'alogi i ai i latou, ona latou ulufale lea ile malumalu i le tafa o āta, ma a'oa'o ai.

Ona sau lea ole ositaulaga sili ma i latou sa iā te ia, ua fa'apotopoto e i latou le fono, atoa ma le tapulega uma lava o le fanauga a Israuelu, ona 'a'au atu lea nisi i le fale puipui e ta'ita'i mai iā te i latou. ²² Ua o'o atu 'au'auna, ua latou lē maua iā te i latou i le fale puipui; ona toe fo'i mai lea, ma tala mai, ²³ ua fa'apea mai, "Na matou iloa le fale ua puipui ma ua mausalī lava, ma leoleo ua tutū i fafo i luma o faitoto'a; ua matou o atu, a ua lē maua e i matou se tasi i totonu." ²⁴ Ua fa'alogi i nei upu le ositaulaga, ma le ta'ita'i o le 'au o le malumalu atoa ma le 'au ositaulaga sili, ua latou māsalosalo i nei mea, pe i'u i ni ā. ²⁵ Ona sau lea o le tasi, ma tala mai iā te i latou, ua fa'apea mai, "Fa'auta, o tagata sa outou tu'u i le fale puipui, o lo'o i le malumalu i latou, o tutū ma a'oa'o atu i le nu'u. ²⁶ Ona alu lea o le ta'ita'i o le 'au, o ia ma 'au'auna, ua ta'ita'i mai iā te i latou, ae le'i faia ma le fa'amalosi; auā ua fefefe i latou i le nu'u, ina ne'i fetogi i latou i ma'a.

²⁷ Ua latou ta'ita'i mai iā te i latou, ona tu'u atu ai lea i luma o le fono; ona fesili mai lea o le ositaulaga sili iā te i latou, ²⁸ ua

fa'apea mai, "Pe na matou lē matuā fai atu 'ea iā te outou ia sōia le toe a'oa'o i lenā igoa? Fa'auta fo'i, ua outou fa'atumu i Ierusalem i la outou a'oa'oga, ma outou fia fa'ao'o mai i luga iā i matou le toto o lenā tagata."

²⁹ Ona tali atu lea o Peteru ma le au apostolo ua fa'apea atu" E tusa ona sili o lo matou 'ana'ana i le Atua i lo matou 'ana'ana i tagata. ³⁰ O le Atua o tatou tamā ua na toe fa'atū mai iā lesu, lē na fasiotia e outou i lo outou fa'atautau i le la'au. ³¹ O ia ua aveina a'e e le Atua i lona 'a'ao taumatau o le Ali'i i le ma le Fa'aola, na te avatua iā Israuelu le salamō ma le fa'amāgaloina o agasala. ³² O ana molimau fo'i i ia mea o i matou, atoa fo'i ma le Agaga Pa'ia, lē ua foa'iina atu e le Atua i ē'ana'ana iā te ia."

³³ Ua fa'alogi i latou, ona matuā lotoa ai lea, ua latou taupulepule e fasiotia iā te i latou. ³⁴ Ona tula'i lea o le tasi faresaio i le fono, o Kamalielu le igoa, o lo a'oa'o i le Tulafono, ua vi'a e le nu'u uma lava, ua fai atu o ia: 'la tu'u atu le au apostolo i fafo se'ia toe itiiti ane. ³⁵ Ona fai atu lea o ia iā te i latou, "Outou Israuelu e, ia outou ma mea a outou faia i nei tagata. ³⁶ Auā o aso ua mavae na tu mai ai Tiuta, sa fai atu e sili lava o ia; na pipi'i fo'i iā te ia o tagata pe to'afaselau pe a faitauina; na fasiotia o ia, na ta'ape'ape fo'i ma i'u vale i latou uma lava ē na 'ana'ana iā te ia. ³⁷ Ua mavae lea tagata, ona tu mai lea o luta o le Kalilaia i ona po na tusia ai le nu'u; ua na ta'ita'i 'ese i nu'u e to'atele ua mulimuli iā te ia; ua oti fo'i o ia, ua fa'asalalauina fo'i i latou uma lava ē na 'ana'ana iā te ia. ³⁸ O lenei ou te fai atu iā te outou, fa'amamao ia mai nei tagata, ma ia tu'u pea iā te i latou; auā afai na tupu mai tagata lenā sauniga ma lenā galuega, e fa'aumatia ia. ³⁹ Ae afai ua tupu mai le Atua, tou te lē mafai ona fa'aumatia; ina ne'i iloa ua outou fai taua ile Atua lava." ⁴⁰ Ua usiusita'i i latou iā te ia; ua 'a'ami fo'i le 'au apostolo, ua sasa iā te i latou, ma fai atu, ia sōia le tautala i le igoa o lesu; ona tu'uina atu lea iā te i latou e ō. ⁴¹ Ona o ai lea o i latou nai luma o le fono, ua 'oli'oli ina ua ta'uaogāina i latou ia fa'aleagaina ona o lona suafa. ⁴² Ua lē mapu fo'i i latou i aso uma ona a'oa'o atu ma tala'i atu i le malumalu, ma lea fale ma lea fale le tala lelei iā lesu Keriso.

5: 17 – 42 Su'esu'eina o le misiona: o se galuega a le Atua po o tagata?

Fa'atasi ai ma le fesoasoani mamana, na o mai le au apostolo mai fale puipui ma aga'i atu i le tala'iga. E maoa'e lava, ina ua tatala e agelu a le Ali'i faitoto'a o fale puipui mo latou, sa ia fa'atonuina i latou e o atu ma fa'apotopoto i le malumalu ma ta'u atu i tagata uma e uiga "i lenei olaga." E pei o lo latou Ali'i, o lē na ulufale atu i le malumalu e le gata ina ia tulia'esea le au fa'atau oloa ae ia tū ai i'ina ma a'oa'o atu i tagata i aso uma (Luka 19: 45 – 21: 38; ma va'ai Luka 2: 46, le nofoaga na a'oa'o ai lesu i le malumalu i le sefululua o ona tausaga), o le au apostolo fo'i i latou, sa fa'aauau le misiona i vaega o totoe mo latou i le nofoaga pa'ia, le fanua a le malumalu. E pei o lesu, sa latou nofiofa vaega o le fanua o le nofoaga tonu e faia ai le finagalo o le Atua i le a'oa'oina atu lea o tagata (5: 21, 42).

GALUEGA A LE AU APOSETOLO

O le sosola 'ese mai le "falepuipui fa'avavega" ua maua ai le sini o le upu e lē fa'alavelaveina o le a toe tusia i le sola'aga tele a le Galuega 12. Ioe, o le upu mulimuli a le tusi o le akōlytōs ("e aunoa ma se fa'alavelave"), fa'amatalaina le tala'iga e Paulo o le malo o le Atua ma le Ali'i lesu Keriso e o'o lava o saisaitia i le fale (28: 31).

Ina ua tu'ua'ia i latou i le lē usita'ia o fa'atonuga, na toe fai mai e Peteru ma le au apostolo mea na fai atu ai Peteru ma Ioane muamua i le au tusi upu, e fa'apea, e fetau fa'atonuga mamana ma tagata, e tatau ona usita'ia le Atua i lo tagata (v. 29 – 20). Ina ia ta'u amiontuina lenei tali, sa latou ta'ua le pulega a se "fa'amasinoga mauluga." I le fa'aogaina o se vaega o le a avea ma tu masani o le fa'aogaina e Kerisiano o le Tusi Pa'ia, sa latou fa'aihoa mai i le toetu na fa'aleaoagaina e le Atua le malaia o le fa'akoluseina (oti i le sisiina...i luga o se la'au"; va'ai Teuteronome 21: 23 ma le Kalilaia 3: 13) i le fa'aeaina o lesu i

iona "itu taumatau" (Salamo 110: 1). Ma ole mafua'aga o lenei o le fa'afouina o tagata a le Atua, Israelu.

Ona sau ai lea ma le fa'alavelave ta'uta'ua a Rabbi Gamaliel, o lē na tofia e Paulo e fai ma ana faufautua i le Galuega 22: 3. Ua ta'ua nisi o gaioiga pupu'u a isi fa'apea o ni mesia - o Tiuta ma luta o Kalilaia – ae na finau Kamalielu o le usita'i i perofeta pepelo e leai sona uiga; ia tu'uina atu le tala fa'asolopito e fa'aalia po o lenei gaioiga a lesu po'o le Atua pe leai. O le a'afiaga la o lesu o le a fa'aalia o le isi perofeta pepelo. Na filifili le au ositaulaga sili e fa'alogi i le tagata, Kamalielu, i lo i molimau na fa'aalia e le Atua i fa'aiologa ma matagofie na faia e ala i apostolo. Ile taimi fo'i lea, o le fa'atalitali ma va'ava'a'i a Kamalielu ua fa'ateteleina ai le tatala na aga'i atu ai i isi o le fale o Israelu na i'u ai ona taliaina lesu o la latou Mesia...fa'aauau pea...

Photo Gallery



FAITAUGA MO LE MASINA O APERILA 2021

ASO SA O LE TOETU

Faitauga 1: Galuega 10: 34. 37 – 43

Matua: O i matou nei lava sa matou 'a'ai ma feinu ma ia, ina ua toetu mai o ia i e ua oti.

Salamo: 118: 1 0 2 (tali), 16 – 17 (tali), 22 0 23 (tali)

Tali: O le aso nei ua faia e le Ali'i, ia tatou olioli ma fiafia i ai.

Faitauga 2: Kolose 3: 1 – 4

Matua: la outou saili i mea o i luga, o i ai Keriso.

Aleluia, Aleluia....O Keriso la tatou paseka ua fasia mo tatou, ia tatou faia le tausamiga ma le fiafia I le Ali'i...Aleluia.

Evagelia: Ioane 20: 1 – 9

Matua: E le'l iloa e l latou le Tusi, e ao ina toe tu o ia ni e ua oti.



Solo: Keriso e, ia fai vi'iga ma taulaga i le Paseka ua fasia.

Ua togiola mamoe e le tama'i mamoe;

o Keriso lē sala ua ia fa'aleleia i le Tamā o e agasala

Ua tau le oti ma le ola, o le tauiviga uiga 'ese;

ua maliu le ta'i'a'i o le ola, a e mālō ia, ua soifua

Maria e, ta'u mai ia, po o a mea na e va'aia i le ala?

Na 'ou va'aia le tu'ugamau o Keriso soifua,

ma le mamalu o lē ua toetū

Na 'ou va'aia fo'i agelu molimau,

o lē na tanuma'i, ma le solosolo.

Ua toetu Keriso lo'u fa'amoemoe;

e muamua atu iā te outou i Kalilaia

Ua mautinoa le toetū o Keriso nai e ua oti.

O oe le Tupu manumalō, alofa mai iā te i matou

Tofitofiga O le Upu:

E tele lava gaioiga mai le evagelia o le asō – tagata o lo'o tamomo'e solo ona maua lea o sina sema a o aumai e loane se anoanioa'i o fa'amatalaga e uiga i ofu 'ie ufi ai maliu – e 'ese fo'i se va'aiga i ai. O se fesoasoani mo lenei mataupu e maua mai lea i le toe fa'atuna mai o Lasalo ua faitauina i le vaiaso lona lima o le Fagafulu. I le fa'atuna mai le oti o lo'o fa'ailoa mai ai Lasalo o lo'o ta'aia pea e 'ie na tanu ai ma saisaitia ai. O lo'o fa'ailoa mai e loane o le Toetu o lesu e le na o se fa'amanaavaina o se tino oti, ae o se mea e 'ese.

E aoga fo'i le maitauina i lana lauga tele ia Konelio ma lona aiga, na fa'amamafa e Peteru le tulaga o ia ma nisi na latou fa'atasi o ni molimau tino ia i le Keriso Toetu 'na matou 'a'ai ma feinu fa'atasi ma ia ina ua toetu mai le oti.' O Kerisiano e le o se fa'anumeraina ole olaga, po'o ni tulafono po'o se va'aiga fa'alalo nei, ae o se feagai ai ma le Ali'i Toetu – o se feagai fa'aletagata e masani ona fa'amatalaina. O Kerisiano o latou ia ua iloaina lesu Keriso, ma, ua faia lea i taimi uma e patipatia ai le Eukalisitia, "a'ai ma feinu ma ia.'

14

ASO 11 APERILA — ASO SA 2 O LE PASEKA

Faitauga 1: Galuega 4: 32 – 35

Matua: Ua tasi lava le loto ma le manatu o e fa'atuatua uma lava.

Salamo: 118: 2 – 4 (tali), 16 – 17 (tali), 22 – 24 (tali)

Tali: Viv'i atu ia outou i le Ali'i, auā e lelei o ia, auā e fa'avavau lava lona alofa.

Faitauga 2: 1 Ioane 5: 1 – 6

Matua: O i latou uma o e fanau mai i le Atua, e manumalō i latou i le lalolagi.

Aleluia, Aleluia...Toma e, ua e fa'atuatua ina ua e va'ai mai iā te a'u. Amuia o e lē va'ai mai, ae fa'atuatua mai pea...Aleluia.

Evagelia: Ioane 20: 19 – 31

Matua: Ua mavae aso e valu, ua maliu atu lesu, ua tu fo'i o ia i totonu.



Tofitofiga O le Upu:

Ole evagelia mo le asō o le evagelia fo'i lea masani ai mo le tolu tausaga fa'asolo. O lo'o fa'ailoa mai ai le tāua i le tala'aga a le Ekalesia. E aogā fo'i ona maitauina o le 'afiafi o le aso lava lea, le aso muamua o le vaiaso' – o le aso lenā o le Toetū o le Ali'i, o le aso o le Eseta. Na avātu e lesu i le au so'o le Agaga Pa'iā, ma le pule e fa'amagalo ai agasala. Mo tala'aga a loane e tutusa lea ma le Penetekoso ma le fanauga o le Ekalesia. Ua tatou masani i tala'aga a Luka mai le Tusi o Galuega, o le evagelia o le asō e fesoasoani e fa'amanatu maia iā i tatou o lo'o tatou feagai ai ma le Misitelio o le Paseka, ae le na o se fa'asologa o ni mea na tutupu. O mea tonu ia o galuega lavaea'i – o le galuega maoa'e a le

Atua – ae le o ni mea na tutupu auaua'i. E pei o le 'ese'esega o fa'amatalaga o le Pasio ua mafai ai e tagata ona va'ava'i i le galuega Fa'aola mai itu 'ese'e'se, fa'apenā le 'ese'esega o tala'aga a loane ma Luka ua mafai ai ona tatou maitauina atili i le loloto o le Misitelio o le Paseka lenei gaioiga e tasi. O le tulaga i le valu o aso o le oketava o le Eseta ua tatou patipatia ai le aso e tasi o le Toetū ua fa'amanatu mai ai o lo'o tatou feagai ma se Misitelio e lē fa'atulagaina e le taimi a le tagata. E pei ona fa'amanatu mai e le pese e fa'apa'iā ai le selā i le sauniga Afiafi – e masani o le 'aso nei' na tupu ai le fa'aolataga. O taimi uma lava e patipatia ai e nu'u Kerisiano le Eukalisitia o le 'aso nei' o le aso o le fa'aolataga.

FAITAUGA MO LE MASINA O APERILA 2021

ASO 18 APERILA — ASO SA 3 O LE PASEKA

Faitauga 1: Galuega 3: 13 – 15, 17 – 19

Matua: :Ua fasioti e outou le Ali'i o le ola, o ia ua toe fa'atūina e le Atua nai e ua otī.

Salamo: 4: 1 (tali), 3 (tali), 6 (tali), 8 (tali)

Tali: Le Ali'i e, ia e fa'asaga mai iā te i matou le malamalama o ou fofoga.


Faitauga 2: 1 Ioane 2: 1 – 5

Matua: O le togisala fo'i o ia mo a tatou agasala, e lē gata fo'i ia tatou, ae atoa fo'i ma agasala a le lalolagi uma lava.

Aleluia, Aleluia...Le Ali'i e, lesu, ia e fa'amatala mai le Tusi iā te i matou; ia mu o matou loto pe a e fetalai iā te i matou...Aleluia.

Evagelia: Luka 24: 35 – 48

Matua: E fa'apea fo'i ona tatau ina tigā o le Keriso ma toe tu nai e ua otī ile aso tolu.



Tofitofiga O le Upu:

O le lauga ta'uta'ua a Peteru i le Penetekoso ua fa'alogoina i aso ta'itasi ma le ta'amilosaga o aso Sa i le amataga o le vaitau o le Eseta. Ua fa'aogā e Luka o se fa'amatalaga e fa'aauau pea. O Kerisiano anamua na finau o le mea na tupu i le toetū o lesu e le o se motusia mai taimi ua tuana'i, ae o le fa'ataunu'uina. I lenei lauga tele a Peteru – e pei ona fa'amaumauina e Luka na faia mulimuli e Paulo i le Tusi o Galuega - na fuafua e fa'aihoa pe fa'apefea ona, i le mea na tupu ua tatou ta'ua o le Misitelio o le Paseka, ona mau a'a i faiga i le va a le Atua ma le tagata mai le amataga, ma na fa'apefea ona avea ma moni ua maua mai ai le

fa'aolataga: Inā salamō ia ma liliu i le Atua, ina ia magalo ai tou agasala.' O lo'o fa'aalia fo'i e Luka lea manatu e tasi i le fa'aaliga o le toetu a lesu o le evagelia lea o le asō. Ua aga'i mai i le fa'ai'uga o le tala i Emau aga'i atu i le fa'aali mai o lesu i le lua o aso mulimuli mai le Toetu. E malie fo'i le maitauina o ni vaega tutusa i tala ia e lua. E pei o le tala i Emau, na fa'asoa le Ali'i i se faiga'ai ma so'o ma fa'asino ai i tusitusiga pa'ia ua ia fa'ataunu'uina. O lo'o mana'o Luka e fa'amamafa mai tusitusiga a le Feagaia Tuai, aga'i atu i le galuega tala'i a lesu ma fa'asolo atu ai i le olaga o le Ali'i na toetu ma le Ekalesia. O mataupu amata a Luka i le Tusi o Galuega ua aumai ai le autu lava lea – e pei ona manino i le asō, mai se vaega o le lauga a Peteru i le Penetekoso.

15

ASO 25 APERILA — ASO SA 4 O LE PASEKA

Faitauga 1: Galuega 4: 8 – 12

Matua: E leai lava se isi igoa e mafaia ona fa'aolaina ai o i tatou.

Salamo: 118: 1, 8 – 9 (tali), 21 – 23 (tali), 26 – 29 (tali)

Tali: 'O le ma'a na lafaoiina e tufuga fai fale, ua fai lea ma ma'a tulimanu aupitoaluga.

Faitauga 2: 1 Ioane 3: 1 – 2

Matua: Tatou te iloa tino lava le Atua.

Aleluia, Aleluia...O au nei o le leoleo mamoe lelei, ua ou iloa au mamoe, ua iloa fo'i au e a'u mamoe...Aleluia.

Evagelia: Ioane 10: 11 – 18

Matua: E tu'u atu e le leoleo mamoe lelei o lona ola mo mamoe.. .



Tofitofiga O le Upu:

O le Aso Sa Fa o le Eseta ua ta'ua o le Aso Sa o le 'Leoleo Mamoe Lelei' ona o le evagelia e masani lava o le vaega mai ia loane, Mataupu 10, ma o le aso o tatalo mo tofiga i le tofi ositaulaga ma olaga nofo voto. O le vaega ua tu'uina mai mo i tatou ua fa'amamafa maia le tau o le galuega fa'aleoleo mamoe – se mea e ao ona maitauina e so'o se tasi ua i ai le matafaioi fa'aleoleo mamoe. O le Leoleo Mamo Lelei o lē ua 'tu'uina atu lona ola' – ma e lē faia ma se masalosalo pe o se mea na tupu fa'afuse'i, ae e pei o lesu, 'i lo'u lava loto fitalia.' Ina ia fa'aulufale maia le evagelia o lona iuga o le taliaina fo'i lea o ni mana'oga ma ni fa'anaunauga

• O le ala lenā o le koluse, o le fa'aso'oina

- Ae o le ala fo'i lea o le Toetū – ona o le malosi o lesu e toe amo i luga
- Mo la ma latou na mulimuli iā te la.

I le vaega amata o le Tusi o Galuega a Luka o lo'o taumafai e fa'aihoa mai ai le fa'aauauina o le Ekalesia fa'atasi ai ma le galuega tala'i a lesu. O le fa'amaloloina o le pipili i le faitoto'a tele ni fa'aleoga tutusa ma vasega a lesu mai ia Luka. Ua fa'aogaina e Peteru o se avanoa e tala'i atu ai le tala lelei o le toetu, fa'apea ni mau si'i mai Salamo ua tatou maua mai i fofoga o lesu i tala'aga sinopi (Mt. 21: 42). O lea lava fa'aauauina o lo'o maua i le olaga o le Ekalesia i aso nei. E pei ona fa'amatala e Peteru ia i latou na fa'alogologo ia te ia 'I le suafa o lesu Keriso le Nasareta, o lē na...Fa'akoluseina, o lē na fa'atūina mai le otī e le Atua, i lona lava igoa ae le o se isi;' ma i taimi uma lava ma nofoaga uma lava, e mafai e le Ekalesia ona galue na o le mana ma le suafa o lesu.



FAITAUGA MO ASO SA MUAMUA O ME 2021

ASO 2 ME — ASO SA 5 O LE PASEKA

Faitauga 1: Galuega 9: 26 – 31

Matua: Na tala atu iā te i latou i lona iloa o le Ali'i i le ala.

Salamo: 22: 25 – 26 (tali), 27, 29 (tali), 30 – 31 (tali)

Tali: Le Ali'i e, 'ou te vivi'i atu iā te oe i totonu o le fa'apotopotoga tele.

Faitauga 2: 1 Ioane 3: 18 – 24

Matua: O lenei fo'i lana poloiga, ia tatou fa'atuatua, ma ia tatou fealofani.

Aleluia, Aleluia...Ua fetalai mai le Ali'i: ina tumau ia outou iā te a'u, o a'u fo'i iā te outou. O lē tumau ia te a'u, o ia lava e fua tele mai ...Aleluia.

Evagelia: Ioane 15: 1 – 8

Matua: O lē tumau ia te a'u, ma a'u iā te ia, o ia lava e fua tele mai.

FA'ASOLOGA O MISASA SAMOA MO APERILA 2021

16

Aso Sa Muamua O LE ASO SA O LE ESETA			
4 Aperila 2021	08.30 am	Holy Trinity—Seatoun	Patele Tuli
	11:00 am	Titahi Bay	Leai se Misasa
Aso Sa Lua			
11 Aperila 2021	09:30 am	Te Wairua Tapu - Petone	Patele Maleko
	12:30 pm	Te Awakairangi - Taita & Naenae	Leai ni Misasa
Aso sa Tolu			
18 Aperila 2021	11:00 am	Newtown	Patele Tuli
	11:00 am	Porirua	Patele Andrew
Aso Sa Fa			
25 Aperila 2021	11:00 am	Lower Hutt	Patele Tuli
	11:30 am	Stokes Valley	Patele Maleko

KALENA MO APERILA 2021

9 Aperila

6:30 pm—Fonotaga
Kapelanisia @
Catholic Centre

19 Aperila

6:30 pm—Fonotaga
Aoga Sa @ Catholic
Centre

Mikaele Teofilo:



m.teofilo@wn.catholic.org.nz



021 0818 5037



+64 4 496 1707



PO Box 1937, Wellington 6140, New Zealand